

INUIT ATAQATIGIIT

INATSISARTUNI



Nuuk, 15. maj 2012

Inatsisartut Suleriaasianni § 37 naapertorlugu matumuuna imaattumik Naalackersuisunut apeqquteqarpunga:

Naalackersuisut arlalitsigut pisortat inissiaataasa aserfallassimasut nutarnissaasa pisariaqarnerat pillugu saqqummiussisareerput. Matumuuna apeqquteqaatigissavara, Naalackersuisut Aasianni inissiat aserfallassimasut taarserlugit nutaanik sanaartornissamik eqqarsaateqarnerisut?

(Inatsisartunut ilaasortaq Hans Aronsen, Inuit Ataqatigiit)

Tuungavilersuut:

Taamatut apeqquteqarninnut tunngavigaara, inissiat aserfallalluinnarsimasut ullutsinnullu naleqqukkunnaarsimasut Aasianni illoqarfiup immikkoortortaani illoqarfittaamiittut suli inunnit najugarineqarnerat.

Pingaaruteqarpoq siunissamullu isiginerulluni, illut pineqartut annertuumik aserfallassimaqisut nutarternissaanut taarsiullugu Naalackersuisut misissorpasuk, illut pineqartut inaasigut taarserlugit inissianik nutaanik ullutsinnullu naleqquttunik sanaartortoqaruni imminut akilersinnaanerunersoq.

Tassunga ilanngullugu isumaqarpunga Naalackersuisut attuumassutillit peqatigalugit eqqarsaatigisariaqaraat, nunaminertaq pineqartoq annertummat inissiat amerlanerusut nunaminertami tassani sanaartorneqarsinnaanerat. Taamaalilluni Asiaat uuliasiornermut atatillugu talittarfeqarfittut ineriartortinnissaa siorngerlugu inissiat pioreersunit amerlanerusut atorfissaqartinneqalernissaannut tamanna piorsaanerussammat.